



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ**

Ո Ր Ո Շ ՈՒ Մ

26 հունիսի 2019 թվականի №229Ա
քաղ. Երևան

**«ՎԵՈՒԻԱ ՋՈՒՐ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆԸ ՆԱԽԱԶԳՈՒՇԱՑՆԵԼՈՒ
ՄԱՍԻՆ**

Հաշվի առնելով՝

- ա) Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) իրականացրած՝ «Վեոլիա Ջուր» փակ բաժնետիրական ընկերության (այսուհետ՝ Ընկերություն) կողմից ջրամատակարարման և ջրահեռացման համակարգին նոր միացման կամ միացման փոփոխության գործընթացի վերաբերյալ 2018 թվականի 4-րդ եռամսյակի տեղեկատվության (այսուհետ՝ տեղեկատվություն) մոնիթորինգի արդյունքները.
- բ) Հանձնաժողովի 2016 թվականի նոյեմբերի 30-ի №378Ն որոշմամբ հաստատված խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման կանոնների (այսուհետ՝ Կանոններ) 16-րդ և 19-րդ կետերով սահմանված ժամկետների խախտման փաստերի ուսումնասիրության նպատակով 2019 թվականի ապրիլի 5-ից Ընկերության նկատմամբ հարուցված վարչական վարույթը, որի ժամկետը 2 անգամ 10-ական օրով երկարաձգվել է,
- գ) հարուցված վարչական վարույթի շրջանակում, փոխօգնության կարգով, Հայաստանի Հանրապետության ջրային կոմիտեի հասցեագրված Հանձնաժողովի սույն թվականի մայիսի 23-ի ԳԲ/3.2-54/893-19 գրությունը, որի հիման վրա վարչական վարույթի ժամկետը երկարաձգվել է 30 օրով,
- դ) Հայաստանի Հանրապետության ջրային կոմիտեի սույն թվականի հունիսի 19-ի №01/08/2763-19 գրությունը, համաձայն որի՝ տեղեկատվության մեջ ներառված 159 դիմումներից 17-ում նշված հասցեներում ջրաչափական հանգույցները կառուցվել են ջրային տնտեսության ծրագրերի իրականացման գրասենյակի կողմից ներկայումս

համակարգվող «Երևանի ջրամատակարարման բարելավման ծրագրի» շրջանակում՝ 2017-2018 թվականներին, իսկ մյուս 142 հասցեներում նշված համայնքներում՝ 2008-2016 թվականների ընթացքում «Հայջրմուղկոյուղի», «Լոռի-ջրմուղկոյուղի» և «Շիրակ-ջրմուղկոյուղի» փակ բաժնետիրական ընկերությունների կողմից տարբեր վարկային ծրագրերով իրականացվել են ներդրումներ, սակայն անհատական միացումների հասցեական տեղեկատվություն ընկերությունների արխիվներում չկան,

- ե) հարուցված վարչական վարույթի շրջանակում Ընկերության կողմից 2019 թվականի ապրիլի 26-ի №ԳԳ/8681 գրությամբ ներկայացված պարզաբանումները, համաձայն որոնց 2018 թվականի 4-րդ եռամսյակի ընթացքում Կանոնների 16-րդ կետով սահմանված ժամկետի խախտման պատճառ են հանդիսացել նոր համակարգերի կառուցման աշխատանքները երրորդ կողմի ֆինանսավորմամբ ներդրումային ծրագրերի շրջանակում իրականացումը, որի ընթացքում տրամադրվել են միայն միացման սխեմաներ և նշվել կապալառու կազմակերպությունների կողմից աշխատանքների իրականացման ժամկետները, իսկ Կանոնների 19-րդ կետով սահմանված ժամկետների խախտման պատճառ են հանդիսացել դիմող անձանց կողմից իրենց դիմումներից հրաժարվելը կամ վերջիններիս հետ սահմանվել են ծառայությունների մատուցման պայմանագրի կնքման փոխհամաձայնեցված այլ ժամկետներ,
- զ) Կանոնների 16-րդ կետը, համաձայն որի՝ դիմումն ստանալու օրվանից 20 աշխատանքային օրվա ընթացքում մատակարարը դիմող անձին է ներկայացնում տեխնիկական պայմաններ՝ դիմող անձի կողմից նոր համակարգի կառուցման դեպքում, կամ միակողմանի կնքված միացման պայմանագիր՝ Ընկերության կողմից նոր համակարգի կառուցման դեպքում,
- է) որ հարուցված վարչական վարույթի շրջանակում փաստվել է, որ Ընկերությունը 2018 թվականի 4-րդ եռամսյակի ընթացքում 159 դեպքում խախտել է Կանոնների 16-րդ կետը՝ դիմող անձանց միացման պայմանագիր կամ տեխնիկական պայման ներկայացնելու փոխարեն միացման սխեմաներ տրամադրելով: Ինչ վերաբերում է Ընկերության հիմնավորումներին, որ նոր համակարգերի կառուցման աշխատանքները իրականացվել են երրորդ կողմի ֆինանսավորմամբ ներդրումային ծրագրերի շրջանակում և այդ պատճառով տրամադրվել են միայն միացման

սխեմաներ և նշվել կապալառու կազմակերպությունների կողմից աշխատանքների իրականացման ժամկետները, հարկ է փաստել, որ Ընկերությունը գործող ընդհանուր իրավակարգավորումներից տարբերվող հիմքերի (իրավիճակների) առաջացման առանձնահատուկ դեպքերում, համապատասխան հիմնավորումների առկայության պարագայում, պարտավոր էր դիմել Հանձնաժողով՝ Կանոններով սահմանված կարգով Հանձնաժողովի կողմից անհատական որոշում կայացնելու խնդրանքով, սակայն չի դիմել: Հարուցված վարչական վարույթի շրջանակում փաստվել է, որ Կանոնների 19-րդ կետի խախտում չի հայտնաբերվել,

և հիմք ընդունելով Հայաստանի Հանրապետության ջրային օրենսգրքի 47.1 հոդվածի 1-ին մասի 1-ին ենթակետը՝ Հանձնաժողովը **որոշում է.**

1. Ընկերությանը նախազգուշացնել՝ Կանոնների 16-րդ կետը խախտելու համար:
2. Ընկերությանը՝ ընդունել ի գիտություն, որ իրավասու է սույն որոշումն ուժի մեջ մտնելու պահից երկամսյա ժամկետում այն բողոքարկել Հանձնաժողով կամ Հայաստանի Հանրապետության վարչական դատարան:
3. Սույն որոշումն ուժի մեջ է մտնում Ընկերությանն օրենքով սահմանված կարգով իրազեկելուն հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՒ
ՀԱՆՁՆԱԺՈՂՈՎԻ ՆԱԽԱԳԱՀԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ**



Ս. ԱՂԻՆՅԱՆ